

Te Heheuraa Api

E ITE IĀ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALEZIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 faran: i te matahiti.

N^o 2

-- FEPUARE 1952 --

MAT. 39.

Te Taata Aau Taiva.

NO te aroha o te Atua na hamani Oia i teie nei ao ei parahiraa no te taata. Ia oti te ao nei i te hamanihia. Ua tuu mai Oia i te taata i nia iho ia riro te ao nei ei haapiiraa na'na, ia tupu to'na ite e to'na paari e to'na maitai i te rahiraa i te mahana e i tera mahana, e tae noa mai i te tau e riro ai te taata mai to'na Metua i te ao ra te hurn. Ua heheu pinepine mai te Atua i ta'na parau i te taata na roto i ta'na mau Peropheta i tera tau e i tera tau, mai te faaue mai ia'na ia haapao oia i taua mau parau ra, e na taua mau parau ra e aratai ia'na i roto i te Basileia o te ao, e i roto i te maitai rahi e te nehenehe rahi hau ê, e ore oia e tae faahou hia e te pohe. Te mamae, te ino, e te man mea atoa e oto ai te aau. Ua faarii noa te taata i taua mau parau heheu ra i te tahi mau taime iti poto, aita ra i maoro ua taiva te aau o te taata e ua baere oia i to'na iho haerea, e ua haapao i ta'na iho mau parau. Tera mai te hinaaro hoê roa o te Atua, oia hoi, ia riro te taata mai ia'na atoa ra

te huru, no reira ua hamani Oia i te taata i to'na iho hohoa e ua tuu mai i te faaueraa ia maitai roa te taata mai Ia'na e maitai roa ra. Mataio 5:48 aita e tia i te taata ia haere atu i te vahi i parahiha e te Atua e hi'o i to'na huru, no reira ua faaite pinepine mai te Atua i to'na huru i te taata na roto i Ta'na mau peropheta, ia ore ratou ia pee atu i te tahi mau mea i parauhia ei Atua; e ua tuu mai i te faaueraa.

“*Eiaha roa to oe ei Atua ê atu Ia'u nei.*” Aita râ i maoro ua haamata te tahi pae taata i te haamori i te mahana, ua haamori te tahi pae i te mau fetia, e ua haamori te tahi pae i te raau, e te tahi pae i te puua, e te tahi pae i te tii, e te tahi pae i te mata'i, te auahi, e te tahi mea ta ratou i parau e, e varua o tei anoinoihia i roto i te mau mea atoa.

Hoê roa ra atua ta tatou e haamori, oia hoi, te Atua no te mau Atua, te Atua no Aberahama, e no Isaaka e no Iakoba, to tatou Metua mau i te ra'i, ua hamani hia tatou i to'na iho hoho'a e o te ore e parahi ma te mauruuru e tae noa'tu ua riro tatou mai Ia'na atoa te huru i te maitai, e te parautia, i te tino tahuti ore, i te îte e te paari, i te mau mea atoa. I to Adamu ma parahiraa i roto i te ô i Edene ua farerei pinepine rana i te Atua, ua faaroo rana i to'na reo, e ua paraparau rana Ia'na mai te taata e paraparau i to'na hoa, e ua ite papu rana ua hamanihia rana i To'na iho hohoa; e ere Oia i te mea menemene e mai te mata'i te huru o te ore e hi'ohia e te mata e o te ore e faarookia e te taria, ua faaroo mau ra rana i To'na reo e ua tapuni ia ore ia farerei Ia'na i muri a'e i te Amuraa i tei rahuihia ra Genese. 3:8-10. Ua haapii Adamu i to'na huaai i te huru o te Atua, aita râ i maoro ua faarue te taata i te parau a te Atua e Ta'na mau faaueraa e ua ino te haerea o te taata atoa o te ao nei, e no

reira
rau m
i te h
ere O
hohoa
ia fâ
fafau
huaai
Ta'na
no rat
rarahi
to rat
ite i t
7-18
toa oia
ia haa
morir
reira
Na ro
oia m
faaite
roto i
farere
mai te
te taat
Atua
roa te
akobo
hana e
Mose

reira ua haamanuhia te taata i te diluvi. E muri a'e ua parau mai te Atua ia Noa ia ite oia i to'na huru e ua fafau Oia i te hoê faufaa ia'na i ite ai Noa ma e e Atua ora te Atua, e ere Oia i te hoê mea i anoinohia i roto i te mau mea atoa, e hohoa râ te taata No'na, e faaroohia To'na reo, e e tia Ia'na ia fâ mai i te taata e e fafau i te parau mai te tahi taata e fafau i te parau i te tahi. Ua haapii Noa i te reira i to'na huaai, aita râ i maoro ua ore ratou i te tiaturi i te Atua e i Ta'na parau, e ua patu ratou i te Patu i Babela ei hapuraa no ratou. Ua haapeapea te Atua i to ratou reo e ua haapurahia ratou i nia i te fenua e ati noa'e, no te mea ua taiva to ratou aau. E muri a'e ua fâ mai Iehova ia Aberahama ei ite i to'na huru, e ua fafau i te faufaa Ia'na ra. Genese 12-7-18 1-5. Ua fâ atoa mai te Atua ia Isaaka ia ite papu atoa oia i te huru o te Atua mau (Genese 26:24) e tia atoa ia'na ia haapii atu i to'na huaai, ia ore ratou ia pee atu i te haamoriraa i dolo na te mau nunaa i parahi fatata mai. Ua na reira atoa te Atua ia Iakoba, e na tô raua. Genese, 32:24-30. Na roto i taua tô raa ra ua ite papu Iakobo, ua hamanihia oia mai te hohoa o te Atua, e na to'na humaha pirioi ra i faaite ia'na e ere te reira tôraa i te tôraa mana'o i iteahia i roto i te taata, e ere hoi i te parau faau, e mea mau râ to'na farereiraa i te Atua no te ra'i. Eaha te tumu ua fâ pinepine mai te Atua i te taata nei? Tera ia, ia ore te Atua e moe i te taata e ia ore ratou ia pee ê atu i te haamoriraa i te mau Atua êê e te mau i dolo. Ua ite papu te Atua e mea potoroa te mana'o o te taata nei. Ua parahi ihora te huaai o Iakobo e 400 matahiti i Aiphiti i rotopu i te feia haamori mahana e te mau idolo, e no reira. ua fâ faahou mai te Atua ia Mose mai te paraparau ia'na mai te tahi taata e paraparau i

HISTORIAN'S OFFICE LIBRARY
The Church of Jesus Christ of Latter-day Saints

ta'na hoa, te mata i te mata, e mai te faaite atoa mai i to'na ra tino ia'na ra ia tia ia'na i haapii atu i te ati Iseraela i te huru mau no te Atua. Exodo 33:9-11, 20-23. Ua faaite atoa Oia i To'na huru i te Hitu Ahuru Exodo 24:9-10, ia riro ratou ei ite i To'na huru mau e ia ore ratou ia pee atu i te Atua haavare no Aiphiti. Mea poto roa râ to ratou mana'o, e i te oreraa o Mose ua faatia ratou i te tahi kafa ei Atua no ratou. Ua tono pinepine mai te Atua i te tahi atu â mau peropheta, oia hoi o Isaia, o Ieremia, o Hosea, e o Nehemia ma ei haapii i te ati Iseraela i te parau a te Atua mau e ei faaora ia ratou i te haamoriraa ia Baola, e i te mau Atua êê e te mau idolo no te mau nunaa o te tiaorohia i te mau fenua e ati noa'e i te fenua Kanaana, no te mea ua faataupupu te ati Iseraela i te haamana'o i te Atua mau e ua pee oioi ratou i te mau Atua êê, Ieremia 14:7. E i muri a'e, ua tono mai te Atua i ta'na Tamaiti Fanau Tahiti i te tino nei o Iesu Mesia, ei Faaora no to te ao e ei faaiteraa papu i te huru mau no te Atua. Teie te parau ta Iesu i haapii tamau, oia hoi o te Atua mana Hope ra To'na ra Metua. E ere te parau Metua i te parau faaau, Metua mau râ te Atua no Iesu e no te taa-ta atoa, e o Iesu to tatou taeae matahiapo. Ua parau mai-ra Philipa ia Iesu,

“E te Fatu, a faaite mai ia matou i te Metua atira'tu.”

Ua pahono atura Iesu,

“O tei hi'o mai ia'u ra, ua hi'o ia i te Metua.” Ioane 14:8-9. E ere o Iesu i te Metua râ, To'na ra huru e to te Metua, e no reira e faaiteraa papu Oia i te huru no te Atua. Philibi 2:5,6. E tino to Iesu, e tino atoa to te Atua. Ua riri te ati Iuda ia Iesu i te mea ua haapii Oia e, o te Atua To'na ra Metua, e ua pari e ua taiva ratou i te Atua mau e

e ua o
Isaaka
Atua
la'na.
muri a
a'e i t
parau
ino-hi
phano
Iesu, t
rima a
ekales
faahot
piiraa
23. N
o Iose
ru ma
Atua,
te Tar
ta'na
rahi
ekales
hama
tahi n
rau e
Apera
tou, a
raua
no r
huma

e ua ore ratou. Ua haamori i te Atua no Aperahama e no Isaaka e no Iakopo, ahiri ratou i tamau i te haamoriraa i te Atua mau, aita ratou i riri i Ta'na Tamaiti e i haamani ino Ia'na. E feia aau taiva mau te Ati Iuda i te reira tau. I muri a'e i te revaraa o Iesu i nia ma To'na tino atoa i muri a'e i te tia-faahou-raa, ua haapii haere ta'na mau pīpī i te parau ra e, O Iesu te Tamaiti a te Atua, e uā haamani-ino-hia ratou no te reira haapiiraaa. I te pehiraahia o Dete-phano i te ofai e te Ati Iuda no to'na haapiiraa i te parau a Iesu, ua vetea'era te ra'i e ua ite oia ia Iesu i te tiaraa i te rima atau O te Atua. Aita ra i maoro ua upootia i roto i te ekalesia te haapiiraa ra e, aita to te Atua e tino, e ua mana faahou i roto i te aau o te feia maiti no te Atua te mau haapiiraa no te etene, e Atua ite ore to ratou Atua. Ohipa, 17:-23. No reira ua tono faahou mai te Atua i te tahi peropheta, o Iosepha Semita, ei haapii i te feia taiva o te ao nei i te huru mau o te Atua e ei faafariu faahou mai i te taata i te Atua, e ere roa Oia i te Atua i te ore, e ua fā mai te Atua e te Tamaiti atoa ia'na, ia tia ia'na ia haapii i ta'na i i te mai ta'na i na reira ia Aparahama e i te mau peropheta e rave rahi i te anotau tahito. I te matahiti 1830 aita roa te hoē ekalesia i nia te fenua nei o tei haamori i te Atua no Aperahama, e no Isaaka e no Iakoba ua haamori rā ratou atoa i te tahi mau mea i faaauhia i roto i to ratou aau ta ratou i parau e e Atua. Ia parauhia ratou'e, ua fā maira te Atua ia Aperahama e ua amu i te maa ia'na ra, ua pahono mai ratou, aita to te Atua e tino, e ia parauhia ratou ua tō te Atua raua o Iakoba e ua fafa Oia i te humaha o Iakoba, ua pahono mai ratou, aita To'na e tino e tia. Ia'na ia fafa i te humaha; e ia parau ratou e ua papai te Atua i te mau faau-

eraa hoê ahuru aore i nia i te pāpā ofai a horoa'tu ai ia Mote, ua pahono mai ratou aita to te Atua e rima; e ia parauhia ratou ua faaite te Atua i To'na tua ia Mose, e ua parau ia'na te vaha i te vaha, ua pahono mai ratou e aita to te Atua e tua e aita hoi e mata; e ia parauhia ratou ta te Atua faaiteraa i To'na huru i te Hitu ahuru e To'na hanahana e te hanahana i raro a'e Ta'na na avae, ua pahono mai ratou aita Ta'na e avae; e ia parauhia ratou i ta Dete-phano i îte i te Tamaiti i te rima atau o te Atua, ua pahono mai ratou e, aita to te Atua e rima atau; e ia parauhia ratou e, ua fâ mai te Atua ia Iosepha Semita ua pahono mai ratou, aita to te Atua e tino e itea i te taata. No reira na itea-papu-roa-hia e, aita ratou e haamori i te Atua mau, ua taiva faahou râ ratou e ua haamori i te mau Atua no te mau nunaa i parahi i te mau fenua i fatata mai i te fenua Kanaana, no to Heleni, e no to Aiphiti, e no to Inidia ma. Ua heheu faahou mai te Atua i Ta'na parau i Ta'na mau propheta i teie nei tau hopea ei ite te taata i To'na huru mau, e ua tonono faahou mai Oia i Ta'na mau tavini i te mau fenua o te ao nei ei haapii i te taata i te Evanelia a Iesu Mesia e ei faafariu faahou i te taata i te Atua. E ao to'na to tei roaa to'na îte i te huri o te Atua mau e o tei faaau i ta'na mau parau.

“Teie hoi te ora mure ore, ia ite ratou ia oe i te Atua mau ra e ia Iesu i te Mesia i ta oe i tonono mai.” Ioane 17:3.

Leroy Mallory. (Leroi)

te ora
pinepi
na'o i
uhia e
Atua i
imiraa

teie nei
tatou.

ma 5:1

tatou e
i te rep
ma, no
taua ap
to te a
24:15)

Buka E

e te pit
ra- (K

tahuti
Eaha t

Eaha Te Ora Mure Ore

E piti parau fifi i papaihia i roto i te bibilia, oia hoi, te ora mure ore e te tahi ra o te tahuti ore ra ĩa. Ua feruripinepine-hia teie na parau i te mea ra e, aita te reira mana'o i maramarama i to tatou Buka Aratai Rahi. Ua parauhia e, o te ora mure ore te haamaitairaa rahi a'e na te Atua i to te ao nei, no reira, ia haamata tatou i to tatou maimiraa i te maramara, e tia'i.

Ua parau mai Luka e, (*Luka 3:6*) *Te na ô mai nei teie nei parau e, e ite te taata atoa i te ora. E imi faahou â tatou.*

Ua papaihia'tu teie nei parau a'o i to Roma ra. (Roma 5:18.)

No te hara a te hoê taata matamua ra, o Adamu ĩa, tatou e pohe ai. E vai noa ra anei tatou i roto i taua apoo ra i te repo? Aita roa! Ua ite ê na te Atua e, e hia Adamu ma, no reira Oia i faatupu ai i te hoê ravea e ora'i tatou i taua apoo ra, o te tiafaahouraa ĩa. E faatia-faahou-hia hoi to te ao paatoa nei, noa'tu te huru o te taata ra. (Ohipa-24:15)

Te na ô mai nei te hoê parau i papaihia i roto i te Buka Poe Tao'a Rahi e, (*Mose 139*)

E piti ohipa i papaihia ra -- te hoê ra, o tahuti ore ĩa, e te piti, o te ora mure ore ĩa. Ua papaihia i te Korinetia ra- (*Korinetia II 15-53*)

No reira, ua papu ia tatou e, e farii te taata atoa i te tahuti ore i parauhia ra i te mau irava i nia o te "ora". Eaha te reira ora, mure ore, te ora i te ao a muri atu ra.

Tera râ, na te mau taata ana'e ia te ora mure ore o tei haapao i te mau faaueraa a te Atua ra. (Ioane 3:15)

E te tahi na irava. Roma 2:11 o teie ia te ora te roaa mai i te mau taata tataihoê tei haapao i Ta'na parau. Ua tupu mai te mana'o i teie nei i te parau e, eaha mau ra te ora mure ore?

E rave rahi te mau parau i roto i te bibilia no te haavaraa rahi ia faantua i te mau taata o te ao nei mai te au i ta ratou iho ohipa i ô nei. (*Taratia 6:7*)

Te mau huero ta tatou e uene atu nei, e roaa mai hoi ia tatou te hoturaa no te reira. E maa maitai anei, e maa ino anei, tei te huru ia o te huero tei ueuehia ra.

Ua papai-atoa-hia ra e, e ore te Atua e haapao i te huru o te taata. No reira te mana'o i tupu ai ia tatou e, e rave rahi te parahiraa no te taata i taua ao a muri atu ra. Ahiri aita, eaha te tumu no te haavaraa? Ua rau te huru o te mau taata maitai. Ua rau atoa ia te huru o te mau taata hara. E mea rahi a'e te ohipa ta te tahi i rave i ta te tahi. Mai te mea, e haere te mau taata atoa i na vahi e piti i faataahia ra, oia hoi, te faaearaa o te diapolo e te faaearaa o te Atua ra, ua haapao ihoâ ia te Atua i te huru o te taata nei.

O te reira hoi te huru no te haapiiraa a te Ekalesia e, e rave rahi te parahiraa i te fare o to tatou Metua ra. (*Ioane 14:2*)

Ua haere atu Iesu i reira no te faanaho i te parahiraa no Ta'na mau pipi ra. E faaineine-atoa-hia te vahi no tatou pau roa.

Ua faataahia teie mau parahiraa ei na tufaa e toru ra.

Te mata
na, te p
toru-ma

C
retiera,
tiera, e
ra. Ua
i teie l

E teie
hanahar
pea o te
tahi fet
hanahar
Ahiri a
mai te

U
huru ê e
ore?

I
raa i te
hinaaro
Na vai
te hanah
o te rahi
nahana

ino i te
muri no

N
faaearaa
ta ohipa

Te matamua ra, to'na huru mai te mahana ia to'na hanahana, te piti ra, mai te marama ia to'na hanahana ra, e te toru-mai te hanahana o te fetia ra. (*Korinetia I 15:40,41*)

O te hanahana teitei a'e ra, o te vahi i parauhia o tiretiera, e o te hanaha piti o te vahi hoi i parauhia ra o tiretiera, e te hanahana hopea o te vahi ia i parauhia o tiretia ra. Ua haamaramamahia tatou i teie anotau hopea nei i teie haapiiraa na roto i te heheuraa a te Atua ra.

E teie nei hoê â anei te mau faaearaa i roto i te hoê o hanahana e toru i roto ra? E hiopoa faahou tatou i te reni hopea o te irava. 41 tei papaihia i nia ra, "e huru ê hoi to te tahi fetia i to te tahi te anaana." Hoê â huruhoi i roto i na hanahana e toru. Ua rau te buru o te parahiraa i roto ra. Ahiri aita, aita ia e tia i te Atua ia faatua i te mau taata mai te au i taratou iho ohipa i rave ra.

Ua papu i teie nei e, e rave rahi te mau parahiraa huru ê e au no to te ao nei, no reira, eaha ra te ora mure ore?

Ia haamana'o tatou e, e roaa mai te reira haamaitairaa i te mau taata faaroo rahi tei rave itoito i ta te Atua i hinaaro ra. Te tahuti ore râ, e roaa ia i te taata paatoa. Na vai te ora mure ore? na te mau taata ia te tomo i roto i te hanahana matamua ra, oia hoi, te tiretiera. Te toea râ, o te rahiraa hoi o to te ao nei, e tomo ihoâ ra i roto i na hanahana hopea ra, maori râ, te mau tamarii o te pohe tei faa-ino i te Varua Maitai e o te mau i raro i te fifi tapearaa e a muri noa'tu.

No te mea, ua parauhia e, e hanahana a te Atua na faaearaa e piti e te toru, oia hoi, na faaearaa no te mau taata ohipa ino e te faufau hoi, eaha ra te utua ino ia ratou ra?

O teie ĭa, e tuuhia' tu hoi te ite i roto i to ratou aau e, ahiri tatou i haapao i ta to tatou Metua parau, ua tae ĭa tatou i To'na iho nohoaraa teitei, ua nehenehe ĭa ia tatou ia para-parau Ia'na e farii i taua hanahana rahi ra. Mai te mea rā ua taiva ē atu tatou Ia'na i te ao tahuti nei, ua tae mai teie nei utua oto rahi i iniaho ia tatou nei.

Te manruuru nei au i te Atua no teie opuaraa e roaa mai ai ia tatou te ora mure ore. Te tia nei taua vahi teitei ia tatou nei. Eiaha tatou e haamarirau i te haapao i te faa-ueraa a te Atua ra ia ore tatou ia tae i reira ra.

Papaihia e Jay Larson

Te Mau Ite No To Iesu Io'a

TE TORO'A TUMU

Ia patubia ta te Atua Ekalesia i nia iho i te papa mau e tia'i. No reira, ua faataa-papu-hia te hoē toro'a tumu mau, oia hoi ei niu no te tiaraa o te Ekalesia. Taua toro'a nei, o te Aposetoro ĭa. Ua tuuhia teie mana tumu i roto i te Anotau tuuraa Evanelia i te Afa Tia o te Ao, oia hoi, i to Iesu tau. Ua maiti-mau-hia ratou e ana e ua riro ratou ei mau pīpī na'na. Te haapapuhia nei teie ti'araa na roto i ta Paulo i papai atu i To Ephesia i te na ô ra mai e.

"I patuhia i nia iho i te niu a te mau aposetolo e te mau peropheta, e o Iesu Mesia iho te tihī rahi." (Ephesia 2:20)

Ua faaite-atoa-hia e, ua tuuhia te Aposetolo na mua e ia roa taua toro'a nei e ore te Ekalesia mau ra. (*I Korine-tia 12:28*)

U
taipe ma
nei, te ti
sia, ia ti
ta mâ fa
faaterera
Teitei, o
raua i fa
Aposetol
roto mai
ua fâ ma
toro'a tu
Ahiri aita
sia faatia

TE OHIE

Ma
piti o te
Basileia
128: B.
tau, e ua
e, e haere
ua faaue
atoa, e tu
a haere a
aita to te
ia faaitel
nei te ma
ite mai te
a putupu
hoi outou

Ua riro te Tuuraa Evanelia i teie nei tau hopea nei ei taípe mau i to mutaa ihora. Mai te au i ta tatou i íte ího nei, te títauhía nei ía tuuhía te toro'a tumu i roto i te Ekale-sia, ía tíá to'na faatíaraahía. I muri a'e i to Iosepha Semi-ta mâ faatoro'araahía i te Autahu'araa Aarona na roto i te faatereraa a Ioane Bapetizo, ua tuu-atoa-hía te Autahu'araa Teitei, oia hoi, ta Melehizedeka. E ere râ te reira ana'e ta raua i faarii, aita roa ua faaho'i-atoa-hía te mau taviri no te Aposetoloraa na roto i te tuuraa rima o na ve'a tootoru mai roto mai i te anotau o te mau aposerolo tahito. Oia man, ua fâ mai Petero, Iakopo, e Ioane e ua tuu mai ratou i taua toro'a tumu ra i nia ího ía Iosepha raua o Olive Kaudere. Ahiri aita i horoahía mai teie mana, ua hapa ía to te Ekale-sia faatíaraahía. (*Ahi'o B. F. 20:2,3; B. f. S. 17:1*)

TE OHIPA TUMU MAU A TE MAU APOSETOLO

Mai tei papaihia, ua íte tatou e, o te reira ahuru ma-piti o te mau ía i te mau taviri i te íritíraa i mana no to'u ra Basileia e nia i na otia e maha no te fenua nei. (*B. F. 124. 128; B. F. S. 104:40*) To ratou ía faaueraahía no teie ano-tau, e ua faaítehia to mutaa ihora faatereraahía i te na ô ra e, e haere outou e atí noa a'e i te mau fenna atoa. Oia ía, ua faauehia ratou ía afai te reva o te Evanelia i te mau vahi atoa, e tupu râ to tatou mana'o e, eaha te ohipa tumu mau a haere ai ratou i na otia e maha o te fenua nei? Teie ía, aita to te ao nei e ravea ía faarii i te Evanelia ora, maori râ ía faaítehia'tu te reira na roto i te íte mau. No reira te riro nei te mau Aposetolo ei mau íte no to Iesu ío'a ra. Ua faa-íte mai te Mesia i te reira i muri a'e i To'na tíá-faahou-raa, a putuputu ai te mau Aposetolo ua parau atu Iesu e, ei íte hoi outou No'u i Ierusalema nei, e Iudea atoa hoi e atí noa'e,

e Samaria, e tae noa'tu i te hopea o te fenua ra. (Ohipa 1:8)
Mai te reira atoa te tuuraa mana i teie mau mahana hopea nei.

E na faaa'o hahae hoé ahuru mapiti ra ua parauhia ia ei mau aposetolo hoé ahuru ma piti, e e mau ite mau no te io'a no te Mesia i te ao taatoa nei. B. F. 107:23; B. F. S. 104:11)

TO TE VARUA MAITAI TAERAA MAI

I muri a'e i to Ioane Bupetizo haereraa mai na roto mai i te medebara ua a'o mai oia e, i bapetizo noa na hoi au ia outou i te pape, e bapetizo ra Oia ia outou i te Varua Maitai. (Mareko 1:8)

Te tohuraa ia ta'na i parau mai ia faaite mai e, na Iesu te Varua Maitai e faatere mai. Te mana'o ra te tahi pae e, ua tuubhia mai te Varua Maitai i te mau Aposetolo i te taima i faatoro'ahia'i ratou ia tia ia riro ratou ei mau ite mau no To'na Io'a. A hi'o ra tatou i te mau papairaa mo'a, e ei reira tatou e papu ai. A haamahanahana'i Iesu i To'na ra mau pipi ua fafau mai oia i te tono i te tahi faaa'o ia ratou ra. Eiaha râ na'na iho i tono mai, maori râ na to'na Metua i tono mai i reira. E te itehia nei e, taua Faaa'o ra, o te Varua Maitai ia. (Ioane 14:16-26) E ua tae te reira Varua ia ratou a putuputu ai ratou i te mahana Penetedose ra. Eiaha râ i te taima ratou i faatoroahia'i, e eiaha te taima i fa' ai Petero i to'na ite, e eiaha'toa i te taima i amu ai ratou te oro'a hopea. I te mahana Penetekose mau râ, i reira te Vaurua Maitai i pou mai ai. I teie nei, e feruri maitai tatou Ua faatoro'ahia ratou i te matahiti toru ahuru ma hoê, e tae mai râ te Varua Maitai i te matahiti-toru ahuru ma toru

Nafea ra
faauruh
anei ia
rii te Va
i to rato
No reira
ai ei ma

NAHEA

A
te Varua
ro ei ma
mai te m
N.
o to te ta
îraa o te
te reira
Varua M
reira hia
e te taato
Maitai te
ia. Na I
uhia mai
vai ra to
i tia ia tia
reira, na
te Atua u
hia maira
Ia
no mai, o

Nafea ra? E nehenehe anei ia ratou ia riro ei ite ia ore i faauruhia to ratou pue aau i te Varua Maitai? E nehenehe anei ia mau ratou i teie toro'a tumu mau ia ore ratou i faarii te Varua Maitai? Ua ite noa ratou i te reira area i ropu i to ratou faatoro'araahia e te taeraa mai o te Varua Maitai. No reira, e feruri tatou e, nahea ra te mau Aposetolo i riro ai ei mau ite no to Iesu io'a ra?

NAHEA RA RATOU I RIRO AI EI MAU ITE

Aita ratou i riro ei mau ite na roto i te faaururaahia o te Varua Maitai. Nahea ra? Teie ia, ua tia ia ratou ia riro ei mau ite no te mea ua faaea ratou i pihai iho i te Mesia mai te matamua mai â o to'na oraraa ra.

Na roto i te mau Tuuraa Evanelia mai te tumu mai â o to te taata faaearaa i nia iho i te ao nei, ua tuuhia mai te iteraa o te parau tumu o te Evanelia ia ratou ra. E na roto i te reira ua papu ia tatou e, ua faarii noa tei baptizohia i te Varua Maitai i muri iho i te baptizoraa. Oia mau, ua na reira hia i roto i te mau tan o Adamu, o Aberahama. o Mose e te taatoaraa o te mau peropheta tahito ra. Na te Varua Maitai te ao nei i tia i reira. I to Iesu tau râ, ua huru-ê ia. Na Iesu iho te ao nei i tia i te reira mahana e aita i tuuhia mai te horoaraa o te Varua Maitai i reira no te mea te vai ra to nia iho i nia i te tino o te fenua nei i reira ra. Aita i tia ia tiahia te ao nei na melo toopiti i te taime hoê ra. No reira, na roto i to ratou faaea-noa-raa i pihai i te Tamaiti a te Atua na nehenehe ia ratou ia riro ai ei mau ite. Te faaitehia maira te reira na roto i to Iesu iho vaha.

*Ia tae mai te Faaa'o no ô mai i te Metua ra na'u e to-
no mai, o te Varua Parau Mau no ô oia i te Metua ra, na'na*

vau e taaitē. E e faaitē atoa hoi outou, no te mea i pihai atoa iho outou ia'u nei mai te matamua mai ā. (Ioane 15:26,-27)

Ahiri râ e, aita oia i haere ê na roto i te poheraa, aita roa ia i tae mai te Varua Maitai. Na roto i to'na taa-ê-raa' tu ua tia i te Varua Maitai ia pou mai. (Ahi'e Ioane 16:7.) No reira, ua tupu ta Ioane Bapetizo tohuraa a parau ai oia e, e bapetizo ra Oia ia outou i te Varua Maitai. Eiaha râ na Iesu iho i tnu mai i te reira horoaraa, na'ua ra i ani i to'ua Metua ia na reira hia.

I teie nei anotau, mai te tau o te mau Aposetolo tahito, te haere nei te mau Aposetolo i na otia e maha o te ao nei, e te riro nei to ratou mau vaha ei ite no to Iesu io'a na roto i to ratou faaururaahia o te Varua Maitai, i to Iesu tau râ, ua na reira ratou no to ratou faaea-noa-raa i pihai iho i te Tamaiti o te Atua ra.

Tihoti Hilitona Orometua

To Tatou Tiaraa

Tuatiraaa.

"Te Tahī Mau Papai raa Mo'a"

Hiroa Faaroo N° 9 "te faarao nei matou ite mau parau i heheu hia mai e te Atua i mutaa i hora. e te mau parau ta'na i heheu mai i teie nei, ete faaroo aloa nei matou e, e heheu mai ā Oia ite hoē atu ā mau parau rarahi e te faufaa rahi nonia ite Basileia o te Atua."

Te faaitē mai ra hoi te parau i roto i te Bibilia "ote Atua rahi ra o Iehova teie e parau nei, mai te hitiraa mai o

te maha

Te

Atua e

amatar

parau i

taata i

mai te

Fatu ra

rau i m

E

Atua e

Ai

i roto i

roto i

N° 1

ra oia i

mau ta

Te

ra? e e

Nu

A Ieho

vai noa

a'tu i te

E e

SERA?

Te

to i te f

raleipor

N° 2.

pitetore

Ep

te mahana e tae noa'tu i to'na topa raa."

Te faaite papu mai nei teie na parau e piti nei e aita te Atua e faaea nei i Ta'na ohipa ite mau tau ato'a, mai te hamataraa mai â o teie nei ao e tae noa'tu i to'na hopea, te parau noa nei oia i to'na mau mana'o ite mau tamarii a te taata nei, oia hoi, i To'na mau tavini i te mau peropheta mai te au i te parau a Amosa peropheta 3:7 "*Aita a te Fatu ra a Iehova e peu i rave maori ra ia faaite i Ta'na parau i moe i ta'na ra mau tavini i te mau peropheta.*"

E ti'a anei ia parauhia e o te Bibilia ana'e te parau a te Atua e aita'tu?

Aita roa ia no te mea, aita i hope te mau parau a te Atua i roto i te Bibilia, te vai atu ra, tei moe o te ore i tuuhia i roto i te Bibilia mai teie i muri nei.

Nº 1. I roto i te faufaa tahito Exodo 24:7 "*Ua rave a'e ra oia i te Buka Faufaa ra, ua tai'o i hora ia faaroo mai te mau taata.*"

Tei hea tana "BUKA FAUFAA RA" ta Mose i tai'o ra? e ere anei ua moe? i ore i tuuhia'i i roto i te Bibilia?

Numera 21:15 "1 na ô hia'i i roto i te BUKA TAMA'I A Iehova" Iosua 10:13 "*Ua faaea noa ihora te mahana, vai noa ihora hoi te marama, e oti noa'era ta ratou tahoora-a'tu i to ratou mau enemi.*"

E ere anei ua papai hia teie i roto i te "BUKA A IA-SERA?"

Te vai atu ra te mu Buka e rave rahi tei faaite hia i roto i te faufaa tahito o tei ore i tuu hia i roto i te Bibilia Paraleipomeno I 29:29

Nº 2. I ROTO I TE FAUFAA API; I Korinetia 5:9 te e-pitetore matamua a Paulo.

Ephetia 3:3 te e-pitetore matamua a Paulo i to Ephetia-

Colosa 4:16 te epitutore a Pauro no Laodicea mai-

Eaha ia to outou mana'o raa i teie mau papairaa mo'a o tei ore i tae i roto i te Bibilia, e parau anei tatou e e mau parau hape te reira, i ore i tuu hiai i roto i te Bibilia? aita roa ia, e parau ra tatou e ua mo'e.

TEIE HOE UIRAA Eaha te Peropheta? Eere anei, te hoê ia tavini no te Atua, te ti'a ia faarii mai i te mau parau heheu no ô mai i te Atua? oia mau ia.

E maite peu e, o te reira te auraa mau e mea papu roa ia ua paraparau te Atua ia Enoha.

E mea papu roa ia'u ua paraparau te Atua ia Enoha ia Noa ia Aberahama e aita roa hoê parau papai na teie mau Peropheta rarahi a te Atua i papaihia i roto i te Bibilia Mea papu ua papai ratou e aita râ i îtea hia e te feia hamani Bibilia i ore ai i tuu hia i roto i te Bibilia.

Ua faahiti hia ho'i te tahi parau i roto i te Iuda 1:14. no te faaite raa e te vai ra te mau tohu raa a Enoha e ia imi hia ra aita, ua moe. E maite peu, e îte hia mai ia tae i te tahi tau, eita anei to te ao nei e faarii, e faahapa anei ratou i te reira? Oia mau paha, no te mea te patoi roa nei ratou i te mau parau i rapae atu i te Bibilia. Aita ra hoi ratou e haamana'o ra, e e mea rahi a'e te Buka i roto i te Bibilia tei parau hia e na te katolika, i to te Bibilia Porotetani.

Tehina a Tapu

te vai atu'ra.